



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Организујме молодеж.

С села выходили и выходят единицы талантливый. С народа вышло много людей, котры прославили свое имя. Проста хлопека дуна вычуват добре красу штуку. Маме того приміры в народной культурі и народном промысли.

Тоты, котры вышли с народа и могли ся образовати и розвивати свой талант, чуют ся счастливы, але планьше ест с тима, котры при вродженем талантї, не могут его розвивати, бо не маект на тото средств. Меже тима встрічат ся часто на селі людей, котры занимают ся не тым, до чого мают правдиве замилованє, а наоборот зла судьба змушат их посвячати свой труд в таком фаху, до котрого они надают ся найменьше.

Сут серед селян добры организаторы, котры могли бы стати ся позиточныма единицами в селі, але не могут они розвинути своих организаторских способностей, бо не сут до того добре подготовлены и не мают назначеных цілей, до котрых бы упорно стремили. Часто быват и так, же тоты подвижнїи единицы о ширшом кругу заинтересовань, попадають под шкодливы впливы, пересякають тима впливами и вмїсто работы конструктивной, ведут работу разрушительну, маючи на цілі збурити цілый дотеперешный лад и порядок.

Причином такого стану ест факт, же наша молодеж ходит самопас и никто ся нїом не интересує, ани ей не организує. Если в селі ест просвітительна организация, як чит. им. М. Качковского, и сут в ней люды молоды, котры начинают отрясати ся со старых навыков и думати самостоятельно, то молодеж там глядат опертя и розвиват свои умственны дарованя и замилованя. Планьше ест однак, як молодеж не належит до жадной организации и каждый отдільно глядат случая для выладованя своей енергии и спрыту.

Як втотчас быват, знає каждый, кто интересує ся селом и его житєм. Кричїме, же розрастат ся бандытизм, же молодеж сопсута и здеморализована, але не преддїйствуєме розскладови творчих вартостей серед молодежи на селі. Будув ся вязницы и шпиталі, але не будув ся народных домов и читальнь. А пак на темноті мас жеруют другы.

Найвысший час заняти ся справом организации молодежи по селах. Где ест читальня им. М. Качковского, там нехай групує ся при ней молодеж, где ей нїт, там треба ю основати. Статут читальни им. М. Качковского заголовну ціль ставят поднести культуральный урсень села, а до той цілі можна стреми ти через читанє позиточных книжок и газет, через даванє представлень и слуханє рефератов, выголошаных на темы господарства рольного, через закладанє rozmaityx кружков, а меже нима и спортивных и т. д.

На тоты кружки хотїли бы мы звернути увагу при организоваю нашей молодежи. Молодеж любит спорт и тым можна притягнути ю найскорше до читальни. Кусок неужиточного поля найде ся в каждом селі, а спортивные приряды сут недорогы и молодеж охотно сама зложит ся на них. Треба лем, штобы при читальни был оден, кто бы уміл провадити спортивный кружок. Спортивные кружки повинны обнимати хлопцов и дівчат.

Втотчас напевно наши читальни наполнят ся молодежом, котра попри спортї прочитат также находячу ся в читальни книжку и газету, а тым самым села наши поднесут ся культурально и морально.

Концентрация советских войск на Далеком Востоде.

Англицкы газеты доносят, операючи ся на жерелах японских, же советскый штаб на Далеком Выході переводит великы пересуеня войсковых отрядов.

С России наплывають на Далекий Выход штораз новы транспорты войск и военных знарядов. На пространстві от Читы до Владивостока сконцентрировано 300.000 советских

войсков. На той лєнии ест стационанованых 1.200 самолетов. Во Владивостоку находит ся тепер 70 подводных лодей и парунадцет новых контрторпедовцов. На двоторовой жел.-дорож. штрєці Хабаровск — Владивосток днем и ночью переходят поїзды с войском и военным матерьялом.

—::—

БОИ В ИСПАНИИ.

В субботу перед латинскыма святами приступили повстанцы сильну атаку на Мадрыт. Бои были так завзяты и кырвавы, же в комунікаті, який выдала оборона Мадрыта, называють тот день „Кырвава Субота“.

В ночи перед страстным суботом над Мадрытом кружило понад 100 повстанчих самолетов, с котрых падали бомбы на місто. Повстанчи самолеты заатаковали также місто Толедо.

На фронті Гуадаляяра правительственны войска приступили до сильной офенсывы и як подає вояд мадрытских войск, ген. Мая, робит ся приготовленя до розбитя повстанчих войск на том фронті. Правительственны войска посунули ся о 7 км. вперед.

Правительственны самолеты бомбардовали повстанчий поїзд недалеко місцевости Монторо. Передом высаджено мост, примушаючи поїзд до задержаня ся. Поїзд, котрый числил около 30 вагонов, зніщено. На сторону прави-

тельственных войск перешло много войсков повстанчих. Мали они карабины, походячи из итальянских фабрик.

„Літаючи танкы“ в Советской России.

В присутствїи советского комисара военных справ, маршала Ворошилова, отбыл ся показ „літающих танков“. Сут то панцерны самолеты, отличаючи ся великим пространством лету.

„Літающий танк“ може помїстити 60 людей и много амуниции. Має он 6 моторов. Машинны карабины и арматкы сут так осаджены, же могут стріляти одночасно во всіх напрямх.

Проба выпала добре и маршал Ворошилов выдал порученє выбудовати 36 таких самолетов. Будут они творити першу ескадру того тыпу.

—::—

Що треба знати о позичках на сплати родинни.

В виду численних запитань, хто може достати позичку на сплати родинни і яких старань має ся доложити, шобы таку позичку достати, поміщає точны информации, относячи ся до той позичкы.

О позичках на родинны сплати треба знати:

1) Позичкы на родинны сплати дає лем Державный Банк Рольный (Паньствоовы Банк Рольны) через свои отділы.

Ниякы касы не могут ту посередничити.

2) О позичку на родинны сплати може ся старати лем властитель господарства, котре без такой позичкы мусіло бы ся поділити на господарства карловаты. Найчастійше достают позичку господарства от 5 до 15 гектаровы.

3) Господарство мусит мати урегульовану ипотеку, бо позичкы на родинны сплати дає ся лем на ипотеку. Грунт неипотечный не достане позичкы.

4) Позичка може выносити 40 процент, а найвысше половину отаксованой вартости грунту. Таксую грунту комисию Банку Рольного.

5) Позичка мусит выносити найменше 1.000 злотых, бо меньша не оплачала бы тому, хто бере позичку, бо кошты сут дост великы.

6) Таксую грунту Державный Банк Рольный на основі клясыфікації гдунту без приїзда на грунту беручого позичку. На грунту присылат таксатора лем втотчас, если старуючий ся о позичку хотіл достати вышну суму от той, яка выпала с клясыфікації грунту, або втотчас, если клясыфікація грунту ест барз давна. Также, если позичка ест вышна от 3.000 злотых, таксую ся грунту на місци.

7) Высоту позичкы усталают остаточно Банк, причом кромі отаксованя бере под увагу также два инши обстоятельство, а именно, ци тот, хто старат ся о позичку потребує той позичкы на правду на родинны сплати и який доход приносит ему господарство.

8) Кошты нотариальны и ипотечны выносят разом — при позичці 1.000 зл. найвысше 100 зл.; при позичці 2.000 зл. около 150 зл.; при позичці 3.000 зл. около 200 зл. и т. д. Кромі того, если таксатор приїжджал на грунту, то беручий позичку покрыват кошты приїзда таксатора.

9) Позичкы на сплати родинны дає Банк на 10, 15, 20, або 25 літ. Банк дає позичкы на долший, або коротший термин в зависимости от того, як старый ест тот, хто старат ся о позичку и які доходы приносит господарство. Должник має однак право сплатити позичку в цілости, або частично перед термином.

10) Процент от позичок выносит $1\frac{1}{2}\%$ от ста річно. Кромі того при выплаті позичкы Банк бере одноразово 1% от цілой сумы на банковы кошты.

11) Позичку сплатат должник Державному Банку Рольному полрочныма ратами, припадаючима дня 1. квітня и 1. жолтня каждого року.

Полрочна сплата от каждых 100 зл. позичкы разом с процентом выносит:

- а) если позичку дано на 10 літ 5 зл. 52 гр.
- б) если позичку дано на 15 літ 3 зл. 85 гр.
- в) если позичку дано на 20 літ 3 зл. 02 гр.
- г) если позичку дано на 25 літ 2 зл. 52 гр.

12) Кто хоче старати ся о позичку, повинен написати до властивого отділа Державного Банку Рольного о друк с пытаннями. Як

достане друк, повинен отвітити точно на всі пытаня, дати отвіт пствердити через Уряд гминный и выслати с поворотом до Банку. Друк присланный через Банк належит выпол-

Кто може выїхати с родином до Канады.

Канадийскы власти выяснили додатково, же с поселенчима родинами, які выїзджают с капиталом 500 або 750 дол. могут іхати их родичи и тесті без специального позволения канадийских властей. Если бы однак с тыма родинами хотіли выїхати: брат, сестра, або адоптована дітина, треба передом выстарати ся для них о специальне позволение канадийских властей. Принципно могут іхати вышше наведены родственники, котры провадили с выїзджаючима до Канады родинами

нити точно, безошибочно и согласно с правдом, бо от того зависит одержане позичкы.

Населене с воеводства краковского належит до отділа Державного Банку Рольного в Кракові, а с львовского, станиславовского и тарнопольского до отділа Банку в Тарнополі.

одно домашне господарство. Мусит однак быти тото стверджене документом.

Кольонисты, котры ідут до Канады с капиталом 500 дол., яко квотом показовом, мусят приїхати до Канады як найвчаснійше, бо так жадают канадийскы власти. Кромі того лежить тото в интересі самых родин поселенчих, бо будут могли вчаснійше начати весняны работы в поли и не втратят тогорочных плодов.

—::—

Остережене для эмигрантов.

Эмиграційны власти подают посредством Сындыкату Эмиграційного до публичной відомости, же всяка рекрутация работников до Франции, Бельгии и других европейских краев, як также до краев заморских, ведена через особы и институты приватны, ест заборонена.

Эмиграційны власти повідомляют, же за послідствия нелегального вербуунку для особ

евентуально покривджены, котры помимо остережень в газетах и по радио — навязуют контакт с нелегальныма приватныма агентами эмиграційныма, або выплачу ют им гдеякы гроши на рахунок приреченых контрактов работы або уладжєня формальностей — не отвіча ют и лем спричиня ют слідство карне против виновным перекрочєня эмиграційного закона.

Погоня за бандытом.

От 6-ох місяцов ловлено бандыта Заржицкого, котрый был пострахом окрестностей Кракова. Заржицкий стал ся голосным в вересні м. р., коли то вдер ся до хаты млынара Гольдфингера в Нездові коло Кракова и вымордовал в звирекый способ 5-єро людей. От того часу полиция старала ся влаптити бандыта. Вызначено за зловлєне его высокоу нагороду. Пару раз полиция натрафила на его слід. Раз навіт был он в часі погоні раненый, але все потрафил вымыкнути ся с рук полиции.

В зимі того року был он в Крыници и уж само его появлєне нагнало много страху тамешному населєню. Аж перед пару днями полиция усталила, же Заржицкий находит ся в селі Дебно пов. бржеского, недалеко мешканя своей матери.

Дня 20. марта 18-ох умундурованных полициянтов, двох тайняков и 1 пєс полицийный окружило хованку, атакуючи ю слєзны-

ма гранатами. Заржицкий не поддал ся однак, вышел на дах хаты и почал стріляти. Видячи, же фронт хаты ест обставленный полициом, Заржицкий старал ся вымыкнути другом страном, але и ту была полиция. Втотчас вернул на дах и почал дальше стріляти. Пало ище пару стрілов и два слєзны гранаты в сторону хаты. Пак все утихло.

По пару минутах вкročила полиция до хаты, где крыл ся Заржицкий. Найдено его там неживого с перестріленом головом. На разі не усталєно, ци бандыт пал от кулі полицийной, ци тыж сам пальнул собі в лоб.

Збурили знахорці хыжу.

На краю села Турабовичи в пов. равско-мазовецком воев. варшавского жила в маленькой хыжці баба-знахорка, Анна Гомула. Слынула она на цілу окрєстность с численных „чудєсных” оздоровлєнь.

До знахоркы голосили ся хворы с далєких сел и місточок и нераз коло нужденной хыжкы можна было видіти аж и прекрасны самоходы.

Анна Гомула куровала меже иншима также одного хлопа с села Турабовичи, Мєчисл. Захєвича. Приходила часто до его хаты, давала ему розманы лікы и брала за них грубы гроши. Хворый однак, не лем не приходил до здравя, але наоборот чул ся слабший с каждым днем. Наконец прикликал лікара. Тот ствердил, же у Захєвича занєдбано хвороту. Захєвич заскаржил бабу и полиция перевєла у ней ревизию и арєстовала ю.

В хаті найдено в ріжных слоиках лікы. Был там вывар с зел, сїна и т. д. На всі хвороты мала она одєн певный лік, а именно: спорошкованє сїно, помішанє с салвиом и румянком. Тоту мішанку называла баба „индийскыма зєлами” и продавала за дорогы гроши.

Коли населєне села довідало ся о цыганстві бабы-знахоркы, так ся на ню розлєстило, же розвалило ей цілу хыжку и побіло всі слоикы с „лікамы”.

Лікарска помоч через радио

На польском кораблі „Висла” в часі послідной его подорожї до Полночной Америкы захворил с обявами бігункы одєн моряк. Слїдуючого дня тота сама хворота появила ся у трох инших моряков и у офицера-лікара. Втотчас капитан Трачевский, занєпокоєный о судьбу своих людей, выслал до надморских стаций Америкы депешу, жадаючи лікарской порады через радио.

Одна со стаций полуднево-американских вывідала ся у капитана через радио, який перєбіг и обявы має хворота и также через радио подыктовала рецєнту, указуючи, як с находячих ся на пароході спецификов треба зрєбити лікарство.

Лікарска помоч, уділена путем радио на отдалєне пару тысяч морских миль, оказала ся успішна. Хворы поступаючи точно ведля „радио-инструкций” вернули скоро до здравя.

Сійме краєвий конич.

От давна привыкли многи людэ до того, же товар спроваджаний с чужих краєв ест лучший от краєвого. Относит ся тото так до штучных навозов, як и до идеяных землеплодов. Особенно захвалены сут жузлі, спроваджаны с Прус, хоц выбрабяна в фабрыці штучных навозов в Хоржові и Мосцицах супертотомасына має всі тоты самы кормовы складники для ростин и надає ся на наши грунты лучше як спроваджаны жузлі. Также гандляры захвалюють часто заграничну червену коничину.

Тымчасом практыка выказала, же заграничний конич ест непевный и може часто хыбнути. Особенно, если в зимі ест мало снігу, а потиснут морозы, краєвий конич скорше их выдержує от спроваджаного из заграницы. Ростины наши сут на загал зимотырвалы, то значит переносят аж и сильны морозы, але лем втотчас, як сут накрыты снігом. Если однак трафит ся безсніжна зима, як то случило ся того року, идеяны ростины могут утерпіти. До таких ростин належит и конич.

Насіня коничу продукуєме дост дуже в краю, але же краєвий конич ест значно дорожний от заграничного, протот не оден господар, заохочений низком ціном, купує конич заграничний. Заграничний конич, походячий звычайно с тепліиших краєв, ест меньше отпорный на морозы и напевно в том році выгнул.

Практыка выказала ище одну ваду заграничного коничу, особенно полудневого походження. Часто на яр на полях, засіяных коничом, можна спостеречи пусты пляцы, на котрых выгнул совсем конич. Звычайно селя-

не думают, же в том місци конич вымерз. При близшом однак розсліжденю справы перекоуєме ся, же выгинули не лем надземны часты ростины, але также и корені, чого не зробил уж мороз.

Стверджено, же конич в тых місцах выгнул не от мороза, лем от коничового рака, котрый часто мече ся на заграничны коничы, высіяны в острійшом климаті. Конич краєвий не западат на рака и то ест ище одна причина, чом повинны мы сіяти лем краєве насіне коничу.

В загалі добре краєве насіне всіх землеплодов ест лучше от заграничного. Каждая ростина розвиват ся добре в якомси климаті аж втотчас, коли до того климату привыкне. Знають о том садовники, котры спроваджають овочевы деревка с околиц тепліиших. Деревка барз гарды и рослы, засаджены в острійшом климаті, не розвивают ся належыто, достают по якомси часі рака и гынут. Натоміст деревка, выплеканы в дома с зернятка и защепплены не западают на рака, бо они привыкли от маленька до того климату и тот климат им не шкочит.

Так само має ся річ со всіма ростинами. Прекрасне насіне спроваджено до острійшого климату не лем не выдаст сподіваной доброй вроды, але може и цілком хыбнути.

Протот найпевнійше ест мати добре власне насіне, а если мусиме уж его купувати, то купуйме его с околиц, котры мають такий сам, або зближенный до нашого климат. С тых причин насіне краєве ест все певнійше от насіня спроваджаного с других краєв, маючих отмінный климат.

—:—

Весняны работы в поли.

Колі сніг счезат с поля и сонце пригріват штотраз сильнійше, всі ждеме с радостю настаня весны. Для всіх ест она пожадана, але найвеце для селянина. Появленє ся весны дає селянину возможность начати новы работы на загоні, котрой уж не перерыват, покаль мороз наново не скує землі.

А работы ест много. Хоц бы руки по локті зробити, то работы не переробит. Протот тых же треба обдумати порядок работы, штотбы каждую зробити в отвітном часі, бо от того зависит стан господарства и добробыт.

Вложенем работы — умілой и розумной, можеме змусити каждый грунт до того, штотбы ся на нем родило. Не можна тепер так господаровати, штотбы на луках было меньше травы як на пасовиску, а пасовиска выглядали так як неужиткы и штотбы поле забывало о том, же має родити жито або овес, а родило куколь, осет и бурян, або штотбы мы выбрали с поля вмісто картофель камені и пырей.

На весну треба поочередно брати ся до каждой рообты. В першой мірі належит упорядковати

луки и пасовиска.

Кромі навоження гнояницом, або компостом треба луку добре побороити, штотбы тым способом здерти мох и дати доступ повітря до землі. Бороити треба так долго, аж лука счорніє. Пак треба мох выграбати, вычистити яркы и росшмарити кыртиска. Часом трафят ся, же лука в часі морозов, як бы ся двигла и верх луку отділят ся от споду. Такы луку треба переіхати валом, штотбы они осіли, бо иначе не буде на них доброй травы.

Тото само треба зробити и на пасовисках.

В міру потреби належит так луку, як и пасовиска засіяти отвітными мішанками трав. До мішанок таких треба додавати насіне ростин мотыльковых, а передовсем коничу. Роботы тоты выполняме як найскорше.

При весняных полевых работах належит уважати на тото, штотбы грунт не высушити и штотбы в нем остало як найвеце воды, яка всякнула в зимі и при весняных розетопах. Уж в осени писали мы о том, же все поле перезначено до весняного сіву, повинно ся орати перед зимом. Уложена в остру скыбу земля под впливом воды и морозу роздроблює ся и набрат лучшей структуры. Кромі того при ярном ораню поля, грунт осушат ся и тратит много воды, котра ест потребна так до скилченя засіяного зерна, як и до его розвою.

На грунтах пісковатых, если спостережеме, же жито має корені на верху, треба ужити гладкого валу, штотбы вгнести их до землі. Если в озимині сієме конич, треба тото зробити як найвчаснійше, зараз, як сніг счезне, бо конич килчит барз поволи и потребує дуже воды. По засіяню коничу добре ест прибороити насіне легкыма боролами.

Также вчасно треба сіяти мішанкы на зелену пашу. Сієме мішанкы в тот способ, же перезначеный под зелену пашу фалаток грунту ділиме на пару приблизительно ровных частей и сієме на них в отступах 1—2 тыждневых мішанку, штотбы мати все молоду зелену пашу.

Другом ростином, яку треба вчасно сіяти, ест горох. Одну и другую ростину можна сія-

ти вчасно лем на добре справленом и чистом от буряну грунті.

До занедбываных работ весняных належит зберанє каменей. А ест его в наших горах досыть. Ницат они рольны знаряды и обнижают вроды. А тымчасом на дорогах болото, же колеса западают по шинглі. Зберанє каменей очистит поля и поправит дороги, протот не можна поминати той работы.

Вычислены работы належат до найвчаснійших. Треба их выполнити точно и уміло. Каждая работа в поли мусит мати свою ціль. Не можна робити лем того, што други робят. Треба читати книжки и газеты господарскы, а также слухати рефератов, выголошаных через радио. Аж втотчас труд вложеный, при роботі на поли, даст нам пожаданы доходы.

Выровнавчий податок в сельских гминах.

В Н-рі 16. Дневника Законов оголошено закон с 27. лютого 1937 р. о податку выровнавчом в сельских гминах. Закон тот ухвалил недавно Сейм и Сенат. Закон входит в жите дня 1. квітня т. р. и стратит свою силу дня 31. марта 1939 р. т. е. за два roky.

Выровнавчий податок бере не Скарб Державы, лем гмины и то гмины сельскы. Може он быти наложеный лем в тых сельских гминах, где окаже ся недобор. Там где недобора нит, податку такого наложити не можна. Податок тот не може также перевышати недобора, який оказал ся в даной гміні.

В воеводстві краковском, львовском и станиславовском высота того податку не може перевышати 50 грошей от одного гектара оподаткованого в той гміні грунту. Лем в выключных случаях, если бы сума тот не выстарчила на покрьте недобора, можна додатково поднести выровнавчий податок ище о 50 гр. от гектара, але в том случаю таку додаткову подыжку мусит затвердити не лем выділ повітовый, але также и воеводскый.

Не треба думати, же тилько треба буде платити с каждого гектара. Тым способом ведля числа гектаров обчислят ся лем найвысшу загалну суму податку для цілой гмины. Так усталену загалну суму податку ділит ся меже всіх платников податку, аджек меже тых, котры платят податок грунтовый, промысловый и от нерухомости, але также не по ровной части, але в зависимости от высоты податку. Кто платит высший податок, тот заплатит и веце податку выровнавчого.

Похорон цыганского короля Мафтея Квека.

Похорон короля цыганского Мафтея Квека отбыл ся в Варшаві дня 30. марта. Согласно с традициом померший мал на собі фрак и лякеркы. До трумны вложено му также шаблю и чоботы, в котрых перешол „цілый світ“. Трумна была чорна, овинена чорным кйром и прапором старо-египетским.

По похороні в хаті Квеков отбыла ся похоронна тризна, котра продолжала ся три дні.

Покойный Мафтей Квек не думал, же похоронят его в Польці. Он хотіл, штотбы по смерти вывезли его тіло до Испании, до Севиллі, где в цыганском кварталі находит ся одно с нечисленных в Европі цыганских кладбищ. Там смутны звуки гушель працають помершого сына волокытского народа.

Квек любил Испанию. Ген. Франко знал лично и цінил. Родина твердит, же генералови Франко отдал он свой маєток на ціли повстаня. Квек не лишил по собі жадного маєтку.

Що чути в світі.

Патриарха Москви убили? В Ковні кружат упорно поголоски о трагичной смерти патриарха московского Петра Крутицкого. Недавно православный митрополит в Ковні, который ест подчиненный московскому патриарху, достал повідомленя о том, же на місце патриарха Крутицкого заименовано патриархом митрополита Сергия, который дня 1. січня т. р. обняв урядоване. На запытанє, што стало ся с Крутицким, церковны власти в Москві отвітили, же умер, не подаючи ани причинны, ани місца смерти. В виду того, же патриарх Крутицкий уж от пару літ жил на вигнаню на Сибіри под присмотром Г. П. У., заходит подозрінє, же его убили агенты Г. П. У. Ест то возможне, бо патриарх Крутицкий выступал остро против безбожничеству, ширеному через большевиков.

Розрухы в Манджурии. На терені Манджурии идут все бои меже партизантскыма отділами, утвореныма через организацию большевицку, до котрой належит дуже людей с давной полнотной армии кытайской и войсками японскыма.

Недавно в полнотно-восточной части Манджурии дошло до боя меже партизантским отділом, зложеным с 500 людей и регулярным японским войском. Втрата партизантов не подают, пише ся лем, же были великы. До боя пришло в часі напада партизантов на місто Илан, на ріці Сунгарі, положеном в отдаленю 225 км. на восток от Харбина.

О розрухах в Манджурии свідчат также политичны процессы. Недавно застал вырок в процесі тайной организации, котра называт себе: „Общество Обороны Отчизны”. Засуджено в том процесі 200 людей на кару смерти, або долготітну тюрму. В том числі сут урядники, учителя, купцы, промышленники и т. д.

Заговор на жите генерала Франко. Газеты доносят, же в испанском Мароку выкрыто заговор на жите генерала Франко. Арестовано килькасот войсковых и цивильных, с котрых около 50 розстріляно.

Теля о трох хвостах. В селі коло Берлина уродило ся теля о трох хвостах (два по боках), котре живе и ест здорове.

Поклады антрацыту в Абиссинии. В Абиссинии, в окрузі Саляле открыто величезны поклады антрацыту (барз доброго угля):

Ховал гроши в сіннику. Одея купец в Перемышлі держал гроши в хаті и ховал их так, штобы ани жена не знала о том. Мицувшого тыждня его жена робила передсвяточны порядкы в хаті и рішила змінити солому в сіннику. Закликала якогоси селянина, переїзджачого дорогою и приказала ему забрати сінники и привезти их того самого дня со свіжом соломом. Але хлоп забрал сінники и не вернул. Як купец вернул до хаты, и увиділ, што піт сінников, паробил великого крику и мало не отобрал собі життя. Тепер выявило ся, же сховал он в сіннику пару тысяч долларов. Новідомлена полиция нашла хлопа, который забрал сінники. Гроши отнайдено и вернено купцови, который напевно не буде уж больше ховати долларов в сіннику.

КУПЛЮ ВЕЛИКУ ИЛЮСТРОВАНУ БИБЛИЮ

О. МАЩАКА.

Адресовати до администрации „Лемка”
Крыница.

300 эмигрантов выїхало до Палестыны. Дня 29. марта т. р. выїхала с Варшавы послідна в том місяци група эмигрантов до Палестыны в числі 300 людей. В квітні выїдут дві группы, каждая также по 300 людей. Эмигранты (жиды) отбудут подорож на польском пароході „Польонна”.

Трясене землі в Калифорнии. Дня 26. марта отчуту в Калифорнии два сильны трясене землі. В гдеяких домах выпали окна и двери с завісов. Цікава річ, же люди, які в том часі были на поли, не спостерегли землетрясене.

Вісти с краю.

Эмиграция. С Сосновца выїхала уж друга партия безработных горников до Бельгии. О голоді работы в Польщі свідчит найлучше факт, же в першом транспорті нашол ся 12-літний хлопец, который разом с другыма выїхал на чужину по хліб.

На бельгийской границі задержано пару безработных, котры замішали ся меже инших и без документов достали ся до Бельгии. Если бы не интервенция польского консуля в Бельгии, то певно вернули бы назад до Польщи, а так віроятно достанут работу.

Шмарил пчолы на полициянта. В селі Конопка Ян Забельский поймал літом рой своего сусіда. Коли пришло до него полициянт, штобы отдал пчолы властителю, Забельский шмарил цілый рой на полициянта. Суд засудил его за то на три місяцы.

Крыницкы фиякры перед судом. Перед готелем „Патрия” в Крыниці-Здрою выбухла в січні т. р. авантура меже фиякрами: Антонисом Фатуллом и Владимиром Чичилом. Коли авантуру тоту хотіл перервати городской полициянт Мауер, фиякры потурбовали его орчином по голові.

Оба фиякры станули перед судом, который засудил Антония Фатуту на 8 місяцов, а Владимира Чичину на 6 місяцов вязницы, спияняючи им кару на 3 літа.

Пожар коло Грибова. В Білой Нижной повстал пожар и обнял в коротком часі будынки господарскы и хату. Пожарна сторожа с Грибова и Білой Нижной потрафили номимо сильного вітру пожар угасити.

Побил на смерть свою тещу. В Мохначці Нижной побил Василь Сулич свою жену. В обороні ей станула мати Анна Гарбера. Розгніваний хлоп шмарил ся на тещу и побил ю так сильно, же умерла она в часі перевоження ей до шпиталю в Новом Санчі. Васили Сулича арестовано.

Буря над Стрыем забарыкадовала жел.-дор. тор. В окрестностях Тухолі пов. стрыйского страшна вітерница поламала дерева коло жел.-дорож. тору и поперевертала телеграфичны столбы. Жел.-дорож. тор забарыкадовано в пару місцах так, же машинист мусіл приставати и усувати перешкоды. Буря позривала также много дахов с хат.

Куповали за фальшивы гроши. На торзі во Фрыштаку полиция арестовала Юлианну и Влад. Кравчиков, котрых прилапала, як платили за товары фальшивыма грошами.

ДЕРЖАВНЕ ЗАВЕДЕНЄ КУРАЦІЙНЕ
В БЕСКИДІ ЗАПАДНОМ

КРЫНИЦА — ЗДРОЙ

Доїзд СКОРЫМА ПОїЗДАМИ через Тарнов - Новый Санч
ВАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнійша щав алькалична Европы. (Польске Виши), купелі минеральны: квасо-углевы и боровиновы. КУПЕЛІ СОНЕЧНЫ. — Заведене заосмотрене в найновійши приряды лічничи.

Пияльня и лазенкы, огріваны в зимі центрально. — Дом здроевый. — Покои с теплом водом.

РЕСТАВРАЦИЯ, ДАНЦИНГ, ЧИТАЛЬНЯ, РАДИО.

Театр в сезоні головном, кино, спорты літны и зимушны.

Крыницкы воды лічат: хвороты сердца, жолудка, жолчи, печенкы, проводов мочовых, женочи, малокровіє, нервы. — Дійствуют добре на переміну материи и т. д.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

заасекурує ся
в асекурацийном Товаристві
ВИТА И КРАКОВСКЕ
во ЛЬВОВІ

Асекурацію принимают на цілої Лемковщині
представителі: гг. Осиф Ямовицкий — Крыница - Село
и Михаил Перелом — Сянок.